


জীবনানন্দ দাশ

রূপমী বাংলা



মুখ্যবন্ধ

বছর বারো আগের কথা; স্কুলে পড়ি, ক্লাশ এইটে।। নতুন বই হাতে পেয়ে কবিতা পড়া শুরু করেছি, একটা কবিতায় এসে আটকে গেলাম, চৌদ্দ লাইনের কবিতা; কবিতার নামটা অস্ত্রুত, কবির নামও শুনিনি আগে কখনো। পুরো কবিতা জুড়ে অসংখ্য নদী, পাখি, গাছ, ফুল আর ফলের নাম; পড়ে মনে হল এ কবি আমাদের গ্রাম ঘুরে ঘুরে কোথায় কী হচ্ছে দেখে দেখে কবিতাটি লিখেছেন। ছোটবেলা থেকে পড়ে আসা কবিতা বা ছড়ার সাথে কোন মিলই নেই। ভাল লাগল না, খারাপও না। শুধু কিছুক্ষণের জন্য একটা ঘোর গ্রাস করেছিলো। সেদিন সেই বালককে কেউ বলে দেয়নি যার একেকটি কাব্যগ্রন্থ নিয়ে পুরো জীবন কাটিয়ে দেয়া যায় আমি সেই কবির কবিতা পড়ছি, পুরো প্রথিবী ধ্বংস হয়ে গেলেও যার কবিতার উপাদান দিয়ে এই বাংলাকে পুনর্বার নির্মাণ করা যাবে আমি সেই কবির কবিতা পড়ছি; ‘রূপসী বাংলা’র ৬১টি হীরার একটিকে ঢোকের সামনে নিয়ে বসে আছি। কবিতাটির নাম ছিল “আবার আসিব ফিরে”। কবির নাম জীবনানন্দ দাশ।

‘রূপসী বাংলা’র কবিতাগুলো প্রথম প্রকাশিত হয় ১৯৫৭ সালে; কবির মৃত্যুর তিনি বছর পর।। কবির অনুজ অশোকানন্দ দাশের তত্ত্বাবধানে প্রথম প্রকাশিত সে সংস্করণে কবিতার রচনাকাল হিসেবে লেখা ছিল ১৯৩২ সাল। পরবর্তীতে দেবেশ রায়ের সম্পাদনায় ১৯৮৪ সালে কবিতাগুলো আবার এক মলাটে প্রকাশিত হয়; তখন জানা যায় শিরোনামহীন এই ৭৩ টি কবিতা লেখা ৭৬ পৃষ্ঠার রূলটানা খাতায় কবিতাগুলোর রচনাকাল হিসেবে জীবনানন্দ লিখে রেখেছিলেন মার্চ, ১৯৩৪। সেই ৭৩টি কবিতা থেকে ৬১ টি কবিতা বাছাই করে প্রকাশ করা হয়। কাব্যগ্রন্থের নাম ও কবিতার শিরোনাম অশোকানন্দ দাশের দেয়া; প্রতি কবিতার প্রথম পংক্তির প্রথমাংশ’কে কবিতার শিরোনাম হিসেবে বাছাই করা হয়েছিল।

কিছু কিছু কবিতা, কোন কোন কাব্যগ্রন্থ কবিকে অমরতা দেয়; তাঁর জাত চিনিয়ে দেয়। নজরগলের যেমন ‘বিদ্রোহী’, সুকান্তের যেমন ‘ছাড়পত্র’, সুধীনের যেমন ‘শাশ্বতী’, জীবনানন্দের তেমন ‘রূপসী বাংলা’।। কারণ রূপসী বাংলা আসলে কোন কাব্যগ্রন্থ নয়; সব মিলিয়ে একটি সম্পূর্ণ কবিতা, একটি চিত্রকল্প। এ কবিতার কেন্দ্রীয় চরিত্র বাংলার প্রকৃতি; জীবনানন্দের অপূর্ব শব্দচয়নে যা হয়ে উঠেছে ‘গভীর গভীরতর অসুখ’ আক্রান্ত প্রথিবীর শুশ্রাব মতো। মৃত্যু কল্পনার ‘অসন্তোষ বেদনার’ সাথে ‘অমোঘ আমোদ’ নিয়ে এ ই- বুকটি অন্তর্জালের অসংখ্য জীবনানন্দ ভঙ্গকে উৎসর্গ করা হলো।

নাবিউল আফরোজ

ରୂପସୀ ବାଂଲା

ଜୀବନାନନ୍ଦ ଦାଶ

ପ୍ରଥମ ଅନ୍ତର୍ଜାଲିକ ସଂକ୍ରଣ
୧୭ଇ ଚୈତ୍ର ୧୪୧୬ ବଙ୍ଗାବ୍ଦ
୩୧ଶେ ମାର୍ଚ୍ଚ ୨୦୧୦ ଖୃଷ୍ଟାବ୍ଦ

ସଂଗ୍ରହ ଓ ସମ୍ପାଦନା
ନାବିଉଲ ଆଫରୋଜ

ଅଲଂକରଣ ଓ ପ୍ରଚ୍ଛଦ
ସୋହେଲ କାଜି

ପାଠକେର ପଡ଼ାର ସୁବିଧାର୍ଥେ ସୂଚୀପତ୍ରେର ପାଶାପାଶି ବୁକମାର୍କ ସୁବିଧା ଯୋଗ କରା ହଲ । ଆପନାର ପିଡ଼ିଏଫ ରିଡାରେର ବାମ ପାଶେ ଲକ୍ଷ କରଣ ବୁକମାର୍କ ଆଇ କନ ଆଛେ । ଉନ୍ତ ଆଇକନେ କ୍ଲିକ କରଲେ ଯେକୋନ ପୃଷ୍ଠା ହତେ ଆପନି ସୂଚୀପତ୍ର ଦେଖିତେ ପାବେନ ।

କପିରାଇଟ © ସୋହେଲ କାଜି

সূচীপত্র

পঠা শিরোনাম

০১. সেই দিন এই মাঠ
০২. তোমার যেখানে সাধ
০৩. বাংলার মুখ আমি
০৪. যতদিন বেঁচে আছি
০৫. একদিন জলসিড়ি নদীটির
০৬. আকাশে সাতটি তারা
০৭. কোথাও দেখিনি
০৮. হায় পাখি, একদিন
০৯. জীবন অথবা মৃত্যু
১০. যেদিন সরিয়া যাব
১১. পৃথিবী রয়েছে ব্যস্ত
১২. ঘুমায়ে পড়িব আমি
১৩. ঘুমায়ে পড়িব আমি
একদিন
১৪. যখন মৃত্যুর ঘুমে
১৫. আবার আসিব ফিরে
১৬. যদি আমি ঝ'রে যাই
১৭. মনে হয় একদিন
১৮. যে শালিখ মরে যায়
১৯. কোথাও চলিয়া যাব
২০. তোমার বুকের থেকে
২১. গোলপাতা ছাউনির
২২. অশ্বথে সন্ধ্যার হাওয়া

পঠা শিরোনাম

২৩. ভিজে হয়ে আসে মেঘে
২৪. খুঁজে তারে মরো মিছে
২৫. পাড়াগাঁর দু'পহর
২৬. কখন সোনার রোদ
২৭. এই পৃথিবীতে এক
২৮. কত ভোরে- দু'- পহরে
২৯. এই ডাঙা ছেড়ে হায়
৩০. এখানে আকাশ নীল
৩১. কোথাও মঠের কাছে
৩২. চ'লে যাব শুকনো পাতা
ছাওয়া
৩৩. এখানে ঘুঘুর ডাকে
৩৪. শুশানের দেশে তুমি
৩৫. তবু তাহা ভুল জানি
৩৬. সোনার খাঁচার বুকে
৩৭. কত দিন সন্ধ্যার
৩৮. এ- সব কবিতা আমি
৩৯. কত দিন তুমি আমি
৪০. এখানে প্রাণের স্ন্যাত
৪১. একদিন যদি আমি
৪২. দূর পৃথিবীর গন্ধে
৪৩. অশ্বথ বটের পথে
৪৪. ঘাসের বুকের থেকে

পঠা শিরোনাম

৪৫. এই জল ভালো লাগে
৪৬. একদিন পৃথিবীর পথে
৪৭. পৃথিবীর পথে আমি
৪৮. মানুষের ব্যথা আমি
৪৯. তুমি কেন বহু দূরে
৫০. আমাদের রাঢ় কথা
৫১. এই পৃথিবীতে আমি
৫২. বাতাসে ধানের শব্দ
৫৩. একদিন এই দেহ
৫৪. আজ তারা কই সব ?
৫৫. হৃদয়ে প্রেমের দিন
৫৬. কোনোদিন দেখিব না
৫৭. ঘাসের ভিতরে সেই
৫৮. এই সব ভালো লাগে
৫৯. সন্ধ্যা হয় - চারিদিকে
৬০. একদিন কুয়াশার
৬১. ভেবে ভেবে ব্যথা পা

=====000=====

সেই দিন এই মাঠ

সেই দিন এই মাঠ স্তুর্দ্ধ হবে নাকো জানি-
এই নদী নক্ষত্রের তলে
সেদিনো দেখিবে স্বপ্ন-
সোনার স্বপ্নের সাধ পৃথিবীতে কবে আর ঝরে!
আমি চ'লে যাব ব'লে
চালতাফুল কি আর ভিজিবে না শিশিরের জলে
নরম গন্ধের টেউয়ে ?
লক্ষ্মীপেঁচা গান গাবে নাকি তার লক্ষ্মীটির তরে ?
সোনার স্বপ্নের সাধ পৃথিবীতে কবে আর ঝরে!

চারিদিকে শান্ত বাতি- ভিজে গন্ধ- মৃদু কলরব;
খেয়ানৌকাণ্ডলো এসে লেগেছে চরের খুব কাছে;
পৃথিবীর এই সব গল্প বেঁচে র'বে চিরকাল ; -
এশিরিয়া ধূলো আজ - বেবিলন ছাই হয়ে আছে।

তোমরা যেখানে সাধ

তোমরা যেখানে সাধ চ'লে যাও- আমি এই বাংলার পারে
র'য়ে যাব ; দেখিব কাঁঠালপাতা ঝরিতেছে ভোরের বাতাসে;
দেখিব খয়েরি ডানা শালিখের সন্ধ্যায় হিম হয়ে আসে
ধবল রোমের নিচে তাহার হলুদ ঠ্যাং ঘাসে অঙ্ককারে
নেচে চলে- একবার- দুইবার- তারপর হঠাৎ তাহারে
বনের হিজল গাছ ডাক দিয়ে নিয়ে যায় হৃদয়ের পাশে;
দেখিব মেয়েলি হাত সকরণ- শাদা শাঁখা ধূসর বাতাসে
শঙ্খের মতো কাঁদে : সন্ধ্যায় দাঁড়াল সে পুকুরের ধারে,

খইরঙ্গা হাঁসটিরে নিয়ে যাবে যেন কোন কাহিনীর দেশে-
'পরণ- কথা'র গন্ধ লেগে আছে যেন তার নরম শরীরে,
কলমীদামের থেকে জন্মেছে সে যেন এই পুকুরের নীড়ে-
নীরবে পা ধোয় জলে একবার- তারপর দূরে নিরুদ্দেশে
চ'লে যায় কুয়াশায়, - তবু জানি কোনোদিন প্রথিবীর ভিড়ে
হারাব না তারে আমি- সে যে আছে আমার এ বাংলার তীরে।

বাংলার মুখ আমি

বাংলার মুখ আমি দেখিয়াছি, তাই আমি পৃথিবীর রূপ
খুঁজিতে যাই না আর : অঙ্ককারে জেগে উঠে ডুমুরের গাছে
চেয়ে দেখি ছাতার মতন বড়ো পাতাটির নিচে ব'সে আছে
ভোরের দয়েলপাখি- চারিদিকে চেয়ে দেখি পল্লবের স্তুপ
জাম- বট- কঠালের- হিজলের অশথের ক'রে আছে চুপ;
ফণীমনসার ঝোপে শটিবনে তাহাদের ছায়া পড়িয়াছে!
মধুকর ডিঙা থেকে না জানি সে কবে চাঁদ চম্পার কাছে
এমনই হিজল- বট- তমালের নীল ছায়া বাংলার অপরূপ রূপ

দেখেছিল : বেহলাও একদিন গাঁড়ড়ের জলে ভেলা নিয়ে-
কৃষ্ণ দ্বাদশীর জ্যোন্না যখন মরিয়া গেছে নদীর চড়ায়-
সোনালি ধানের পাশে অসংখ্য অশথ বট দেখেছিল, হায়,
শ্যামার নরম গান শুনেছিল- একদিন অমরায় গিয়ে
ছিন্ন খঙ্গনার মতো যখন সে নেচেছিল ইন্দ্রের সভায়
বাংলার নদী মাঠ ভাঁটফুল ঘুঁজুরের মতো তার কেঁদেছিল পায়।

যতদিন বেঁচে আছি

যতদিন বেঁচে আছি আকাশ চলিয়া গেছে কোথায় আকাশে
অপরাজিতার মতো নীল হয়ে- আরো নীল- আরো নীল হয়ে
আমি যে দেখিতে চাই; - সে আকাশ পাখনায় নিঞ্জড়ায়ে লয়ে
কোথায় ভোরের বক মাছরাঙ্গা উড়ে যায় আশ্বিনের মাসে;
আমি যে দেখিতে চাই, - আমি যে বসিতে চাই বাংলার ঘাসে;
পৃথিবীর পথে ঘুরে বহুদিন অনেক বেদনা প্রাণে স'য়ে
ধানসিড়িটির পথে বাংলার শ্মশানের দিকে যাব ব'য়ে,
যেইখানে এলোচুলে রামপ্রসাদের সেই শ্যামা আজো আসে,

যেইখানে কঙ্কাপেড়ে শাড়ি প'রে কেন এক সুন্দরীর শব
চন্দন চিতায় চড়ে- আমের শাখায় শুক ভুলে যায় কথা;
যেইখানে সবচেয়ে বেশি রূপ- সবচেয়ে গাঢ় বিষণ্ণতা;
যেখানে শুকায় পদ্ম- বহু দিন বিশালাক্ষী যেখানে নীরব;
যেইখানে একদিন শঙ্খমালা চন্দ্রমালা মানিককুমার
কাঁকন বাজিত, আহা, কোনোদিন বাজিবে কি আর !

একদিন জলসিড়ি নদীটির

একদিন জলসিড়ি নদীটির পারে এই বাংলার মাঠে
বিশীর্ণ বটের নিচে শুয়ে রাবো; পশমের মতো লাল ফল
ঝরিবে বিজন ঘাসে, - বাঁকা চাঁদ জেগে র'বে- নদীটির জল
বাঙালি মেয়ের মতো বিশালাক্ষী মন্দিরের ধূসর কপাটে
আঘাত করিয়া যাবে ভয়ে ভয়ে- তারপর যেই ভাঙা ঘাটে
রূপসীরা আজ আর আসে নাকো, পাট শুধু পচে অবিরল,
সেইখানে কলমীর দামে বেঁধে প্রেতিনীর মতন কেবল
কাঁদিবে সে সারা রাত, - দেখিবে কখন কারা এসে আমকাঠে

সাজায়ে রেখেছে চিতা; বাংলার শ্রাবণের বিস্মিত আকাশ
চেয়ে র'বে; ভিজে পেঁচা শান্ত স্নিহ্ন চোখ মেলে কদম্বের বনে
শোনাবে লক্ষ্মীর গল্প- ভাসানের গান নদী শোনাবে নির্জনে;
চারিদিকে বাংলার ধানী শাড়ি- শাদা শাঁখা- বাংলার ঘাস
আকন্দ বাসকলতা ঘেরা এক নীল মঠ- আপনার মনে
ভাঙিতেছে ধীরে ধীরে; - চারিদিকে এইসব আশ্চর্য উচ্ছ্বাস-

আকাশে সাতটি তারা

আকাশে সাতটি তারা যখন উঠেছে ফুটে আমি এই ঘাসে
বসে থাকি; কামরাঙ্গা- লাল মেঘ যেন মৃত মনিয়ার মতো
গঙ্গাসাগরের ঢেউয়ে ডুবে গেছে- আসিয়াছে শান্ত অনুগত
বাংলার নীল সন্ধ্যা- কেশবতী কন্যা যেন এসেছে আকাশে :
আমার চোখের 'পরে আমার মুখের' 'পরে চুল তার ভাসে;
পৃথিবীর কোনো পথ এ কন্যারে দেখেনিকো- দেখি নাই অত
অজস্র চুলের চুমা হিজলে কাঁঠালে জামে ঝরে অবিরত,
জানি নাই এত স্নিফ গন্ধ ঝরে ঝুপসীর চুলের বিন্যাসে

পৃথিবীর কোন পথে : নরম ধানের গন্ধ- কলমীর ঝাণ,
হাসের পালক, শর, পুরুরের জল, চাঁদা সরপুঁটিদের
মৃদু ঝাণ, কিশোরীর চাল- ধোয়া ভিজে হাত- শীত হাতখান,
ব্যথিত গন্ধের ক্লান্ত নীরবতা- এরি মাঝে বাংলার প্রাণ :
আকাশে সাতটি তারা যখন উঠেছে ফুটে আমি পাই টের।

কোথাও দেখিনি

কোথাও দেখিনি, আহা, এমন বিজন ঘাস- প্রান্তরের পারে
নরম বিমর্শ চোখে চেয়ে আছে- নীল বুকে আছে তাহাদের
গঙ্গাফড়িংয়ের নীড়, কাঁচপোকা, প্রজাপতি, শ্যামপোকা টের,
হিজলের ক্লান্ত পাতা- বটের অজস্র ফল ঝরে বারেবারে
তাহাদের শ্যাম বুকে; - পাড়াগাঁর কিশোরেরা যখন কান্তারে
বেতের নরম ফল, নাটাফল খেতে আসে ধূন্দল বীজের
খোঁজ করে ঘাসে ঘাসে, - বক তাহা জানে নাকো, পায় নাকো টের
শালিখ খণ্ডনা তাহা; - লক্ষ লক্ষ ঘাস এই নদীর দু'ধারে

নরম কান্তারে এই পাড়াগাঁর বুকে শুয়ে সে কোন্ দিনের
কথা ভাবে; তখন এ জলসিডি শুকায়নি, মজেনি আকাশ,
বল্লাল সেনের ঘোড়া- ঘোড়ার কেশের ঘেরা ঘুঁড়ুর জিনের
শব্দ হ'ত এই পথে- আরো আগে রাজপুত্র কত দিন রাশ
টেনে টেনে এই পথে- কি যেন খুঁজেছে, আহা, হয়েছে উদাস;
আজ আর খোঁজাখুঁজি নাই কিছু- নাটাফলে মিটিতেছে আশ-

হায় পাখি, একদিন

হায় পাখি, একদিন কালীদহে ছিলে না কি- দহের বাতাসে
আষাঢ়ের দু'- পহরে কলরব করনি কি এই বাংলায়!
আজ সারাদিন এই বাদলের কোলাহলে মেঘের ছায়ায়
চাঁদ সদাগর : তার মধুকর ডিঙ্গির কথা মনে আসে,
কালীদহে কবে তারা পড়েছিল একদিন ঝড়ের আকাশে, -
সেদিনো অসংখ্য পাখি উড়েছিল না কি কালো বাতাসের গায়,
আজ সারাদিন এই বাদলের জলে ধলেশ্বরীর চড়ায়
গাঞ্জালিখের ঝাঁক, মনে হয়, যেন সেই কালীদহে ভাসে :

এইসব পাখিগুলো কিছুতেই আজিকার নয় যেন- নয়-
এ নদীও ধলেশ্বরী নয় যেন- এ আকাশ নয় আজিকার :
ফনীমনসার বনে মনসা রয়েছে না কি?- আছে; মনে হয়,
এই নদী কি কালীদহ নয়? আহা, ঐ ঘাটে এলানো খোঁপার
সনকার মুখ আমি দেখি না কি ? বিষণ্ণ মলিন ক্লান্ত কি যে
সত্য সব; - তোমার এ স্বপ্ন সত্য, মনসা বলিয়া গেল নিজে।

জীবন অথবা মৃত্যু

জীবন অথবা মৃত্যু চোখে র'বে- আর এই বাংলার ঘাস
র'বে বুকে; এই ঘাস : সীতারাম রাজারাম রামনাথ রায়-
ইহাদের ঘোড়া আজো অন্ধকারে এই ঘাস ভেঙে চ'লে যায়-
এই ঘাস : এরি নিচে কঙ্কাবতী শঙ্খমালা করিতেছে বাস:
তাদের দেহের গন্ধ, চাঁপাফুল- মাখা স্নান চুলের বিন্যাস
ঘাস আজো ঢেকে আছে; যখন হেমন্ত আসে গৌড় বাংলায়
কার্তিকের অপরাহ্নে হিজলের পাতা শাদা উঠানের গায়
ঝ'রে পড়ে, পুকুরের ক্লান্ত জল ছেড়ে দিয়ে চ'লে যায় হাঁস,

আমি এ ঘাসের বুকে শুয়ে থাকি- শালিখ নিয়েছে নিঙড়ায়ে
নরম হলুদ পায়ে এই ঘাস; এ সবুজ ঘাসের ভিতরে
সোঁদা ধূলো শুয়ে আছে- কাঁচের মতন পাখা এ ঘাসের গায়ে
ভেরেন্ডাফুলের নীল ভোমরারা বুলাতেছে- শাদা স্তন ঝরে
করবীর : কোন এক কিশোরী এসে ছিঁড়ে নিয়ে চ'লে গেছে ফুল,
তাই দুধ ঝরিতেছে করবীর ঘাসে ঘাসে : নরম ব্যাকুল।

যেদিন সরিয়া যাব

যেদিন সরিয়া যাব তোমাদের কাছ থেকে- দূর কুয়াশায়
চ'লে যাব, সেদিন মরণ এসে অঙ্ককারে আমার শরীর
ভিক্ষা ক'রে লয়ে যাবে; - সেদিন দু'দণ্ড এই বাংলার তীর-
এই নীল বাংলার তীরে শুয়ে একা একা কি ভাবিব, হায়; -
সেদিন র'বে না কোনো ক্ষেত্র মনে- এই সৌন্দা ঘাসের ধূলায়
জীবন যে কাটিয়াছে বাংলায়- চারিদিকে বাঙালির ভিড়
বহু দিন কীর্তন ভাসান গান রূপকথা যাত্রা পাঁচালীর
নরম নিবিড় ছন্দে যারা আজো শ্রাবণের জীবন গোঙ্গায়,

আমারে দিয়েছে তৃষ্ণি; কোনো দিন রূপহীন প্রবাসের পথে
বাংলার মুখ ভুলে খাঁচার ভিতরে নষ্ট শুকের মতন
কাটাইনি কাটা হয়ে গেলে মাঠে মাঠে কত বার কুড়ালাম খড়,
বাধিলাম ঘর এই শ্যামা আর খঙ্গনার দেশ ভালোবেসে,
ভাসানের গান শুনে কত বার ঘর আর খড় গেল ভেসে
মাথুরের পালা বেঁধে কত বার ফাঁকা হ'ল খড় আর ঘর।

পৃথিবী রয়েছে ব্যস্ত

পৃথিবী রয়েছে ব্যস্ত কোন্খানে সফলতা শক্তির ভিতর,
কোন্খানে আকাশের গায়ে ঝাড় মনুমেন্ট উঠিতেছে জেগে,
কোথায় মাস'ল তুলে জাহাজের ভিড় সব লেগে আছে মেঘে,
জানি নাকো, আমি এই বাংলার পাড়াগাঁয়ে বাধিয়াছি ঘর:
সন্ধ্যায় যে দাঁড়কাক উড়ে যায় তালবনে- মুখে দুটো খড়
নিয়ে যায়- সকালে যে নিমপাখি উড়ে আসে কাতর আবেগে
নীল তেঁতুলের বনে- তেমনি করুণা এক বুকে আছে লেগে;
বইচির মনে আমি জোনাকির রূপ দেখে হয়েছি কাতর;

কদমের ডালে আমি শুনেছি যে লক্ষ্মীপেঁচা গেয়ে গেছে গান
নিশ্চিত জ্যোৎস্না রাতে, - টুপ টুপ টুপ সারারাত ঝরে
শুনেছি শিশিরগুলো - স্নান মুখে গড় এসে করেছে আহ্বান
ভাঙ্গা সোঁদা ইটগুলো, - তারি বুকে নদী এসে কি কথা মর্মরে;
কেউ নাই কোনোদিকে- তরু যদি জ্যোৎস্নায় পেতে থাক কান
শুনিবে বাতাসে শব্দ : 'ঘোড়া চড়ে কই যাও হে রায়রায়ান -'

ঘুমায়ে পড়িব আমি

ঘুমায়ে পড়িব আমি একদিন তোমাদের নক্ষত্রের রাতে
শিয়রে বৈশাখ মেঘ- শাদা- শাদা যেন কড়ি- শঙ্খের পাহাড়
নদীর ওপার থেকে চেয়ে রবে- কোনো এক শঙ্খবালিকার
ধূসর ঝুপের কথা মনে হবে- এই আম জামের ছায়াতে
কবে যেন তারে আমি দেখিয়াছি- কবে যেন রাখিয়াছে হাতে
তার হাতে- কবে যেন তারপর শাশান্ত চিতায় তার হাড়
বারে গেছে, কবে যেন; এ জনমে নয় যেন- এই পাড়াগাঁর
পথে তবু তিন শো বছর আগে হয়তো বা- আমি তার সাথে

কাটায়েছি; পাঁচশো বছর আগে হয়তো বা - সাতশো বছর
কেটে গেছে তারপর তোমাদের আম জাম কাঁঠালের দেশে;
ধান কাটা হয়ে গেলে মাঠে- মাঠে কতোবার কুড়ালাম খড়;
বাঁধিলাম ঘর এই শ্যামা আর খণ্ডনার দেশ ভালোবেসে,
ভাসানের গান গুনে কত বার ঘর আর খড় গেল ভেসে
মাথুরের পালা বেঁধে কত বার ফাঁকা হল খড় আর ঘর।

ঘুমায়ে পড়িব আমি একদিন

ঘুমায়ে পড়িব আমি একদিন তোমাদের নক্ষত্রের রাতে;
তখনো ঘোবন প্রাণে লেগে আছে হয়তো বা - আমার তরুণ দিন
তখনো হয়নি শেষ- সেই ভালো - ঘুম আসে- বাংলার তৃণ
আমার বুকের নিচে চোখ বুজে- বাংলার আমের পাতাতে
কাঁচপোকা ঘুমায়েছে - আমিও ঘুমায়ে রবো তাহাদের সাথে,
ঘুমাব প্রাণের সাধে এই মাঠে - এই ঘাসে ॥ কথাভাষাইন
আমার প্রাণের গল্প ধীরে - ধীরে যাবে - অনেক নবীন
নতুন উৎসব রবে উজানের- জীবনের মধুর আঘাতে

তোমাদের ব্যস্ত মনে; - তবুও, কিশোর, তুমি নখের আঁচড়ে
যখন এ ঘাস ছিঁড়ে চলে যাবে - যখন মানিকমালা ভোরে
লাল- লাল বটফল কামরাঙ্গা কুড়াতে আসিবে এই পথে॥
যখন হলুদ বোঁটা শেফালি কোনো এক নরম শরতে
ঝরিয়ে ঘাসের পরে, - শালিখ খঙ্গনা আজ কতো দূরে ওড়ে॥
কতোখানি রোদ- মেঘ - টের পাবে শুয়ে শুয়ে মরণের ঘোরে।

যখন মৃত্যুর ঘুমে

যখন মৃত্যুর ঘুমে শুয়ে রবো — অঙ্ককারে নক্ষত্রের নিচে
কাঠাল গাছের তলে হয়তো বা ধলেশ্বরী চিলাইয়ের পাশে -
দিনমানে কোনো মুখ হয়তো সে শুশানের কাছে নাহি আসে -
তবুও কাঠাল জাম বাংলার- তাহাদের ছায়া যে পড়িছে
আমার বুকের পরে — আমার মুখের পরে নীরবে ঝরিছে
খয়েরী অশথপাতাত - বঁইচি, শেয়ালকাঁটা আমার এ দেহ ভালোবাসে,
নিবিড় হয়েছে তাই আমার চিতার ছাইয়ে — বাংলার ঘাসে
গভীর ঘাসের ওচ্চে রয়েছি ঘুমায়ে আমি, — নক্ষত্র নড়িছে

আকাশের থেকে দূর- আরো দূর- আরো দূর- নির্জন আকাশে
বাংলার- তারপর অকারণ ঘুমে আমি পড়ে যাই তুলে।
আবার যখন জগি, আমা শুশানচিতা বাংলার ঘাসে
ভরে আছে, চেয়ে দেখি, - বাসকের গন্ধ পাই- আনারস ফুলে
ভোমরা উড়িছে, শুনি- গুবরে পোকার ক্ষীণ গুমরানি ভাসিছে বাতাসে
রোদের দুপুর ভরে- শুনি আমি; ইহারা আমার ভালোবাসে-

আবার আসিব ফিরে

আবার আসিব ফিরে ধানসিডির তীরে – এই বাংলায়
হয়তো মানুষ নয় – হয়তো বা শঙ্খচিল শালিখের বেশে;
হয়তো ভোরের কাক হয়ে এই কার্তিকের নবাম্বের দেশে
কুয়াশার বুকে ভেসে একদিন আসিব এ কাঠালছায়ায়;
হয়তো বা হাঁস হব – কিশোরীর – ঘুঁঁড়ুর রহিবে লাল পায়,
সারা দিন কেটে যাবে কলমীর গন্ধ ভরা জলে ভেসে- ভেসে;
আবার আসিব আমি বাংলার নদী মাঠ ক্ষেত ভালোবেসে
জলাঙ্গীর চেউয়ে ভেজা বাংলার এ সবুজ করুণ ডাঙ্গায়;

হয়তো দেখিবে চেয়ে সুদর্শন উড়িতেছে সন্ধ্যার বাতাসে;
হয়তো শুনিবে এক লক্ষ্মীপেঁচ ডাকিতেছে শিমুলের ডালে;
হয়তো খইয়ের ধান ছড়াতেছে শিশু এক উঠানের ঘাসে;
রূপসার ঘোলা জলে হয়তো কিশোর এক শাদা ছেঁড়া পালে
ডিঙ্গা বায় – রাঙ্গা মেঘ সাঁতরায়ে অন্ধকারে আসিতেছে নীড়ে
দেখিবে ধবল বক: আমারেই পাবে তুমি ইহাদের ভিড়ে –

যদি আমি ঝ'রে যাই

যদি আমি ঝ'রে যাই একদিন কার্তিকের নীল কুয়াশায়
যখন ঝরিছে ধান বাংলার ক্ষেতে- ক্ষেতে ম্লান চোখ বুজে,
যখন চড়াই পাখি কঁঠালীচাপাঁর নীড়ে ঠোঁট আছে গুজে,
যখন হলুদ পাতা মিশিতেছে খয়েরি পাতায়,
যখন পুরুরে হাঁস সোঁদা জলে শিশিরের গন্ধ শুধু পায়,
শামুক গুগলিণ্ডলো পড়ে আছে শ্যাওলার মলিন সরুজে-
তখন আমারে যদি পাও নাকো লালশাক- ছাওয়া মাঠে খুঁজে,
ঠেস্ দিয়ে বসে আর থাকি নাকো যদি বুনো চালতার গায়ে,

তাহলে জানিও তুমি আসিয়াছে অন্ধকারে মৃত্যুর আহ্বান-
যার ডাক শুনে রাঙ্গা রৌদ্রেরও চিল আর শালিখের ভিড়
একদিন ছেড়ে যাবে আম জাম বনে নীল বাংলার তীর,
যার ডাক শুনে আজ ক্ষেতে- ক্ষেতে ঝরিতেছে খই আর মৌরির ধান; -
কবে যে আসিবে মৃত্যু; বাসমতী চালে- ভেজা শাদা হাতখান-
রাখো বুকে, হে কিশোরী, গোরোচনারূপে আমি করিব যে ম্লান-

মনে হয় একদিন

মনে হয় একদিন আকাশের শুকতারা দেখিব না আর;
দেখিব না হেলেঞ্চার ঝোপ থেকে এক ঝাড় জোনাকি কখন
নিভে যায়; দেখিব না আর আমি পরিচিত এই বাঁশবন,
শুকনো বাঁশের পাতা- ছাওয়া মাটি হয়ে যাবে গভীর আঁধার
আমার চোখের কাছে; লক্ষ্মীপূর্ণিমার রাতে সে কবে আবার
পেঁচা ডাকে জ্যোৎস্নায়; হিজলের বাঁকা ডাল করে গুঞ্জরণ;
সারা রাত কিশোরীর লাল পাড় চাঁদে ভাসে- হাতের কাঁকন
বেজে ওঠে : বুঝিব না- গঙ্গাজল, নারকেলনাড়ুগুলো তার

জানি না সে কারে দেবে- জানি না সে চিনি আর শাদা তালশাঁস
হাতে লয়ে পলাশের দিকে চেয়ে দুয়ারে দাঁড়ায়ে রবে কি না...
আবার কাহার সাথে ভালোবাসা হবে তার- আমি তা জানি না-
মৃত্যুরে কে মনে রাখে?- কীর্তিনাশা খুঁড়ে খুঁড়ে চলে বারো মাস
নতুন ডাঙার দিকে- পিছনের অবিরল মৃত চর বিনা
দিন তার কেটে যায়- শুকতারা নিভে গেলে কাঁদে কি আকাশ?

যে শালিখ মরে যায়

যে শালিখ মরে যায় কুয়াশায়- সে তো আর ফিরে নাহি আসে:
কাঞ্চনমালা যে কবে বরে গেছে; - বনে আজো কলমীর ফুল
ফুটে যায়- সে তবু ফেরে না, হায়; - বিশালাক্ষ্মী: সেও তো রাতুল
চরণ মুছিয়া নিয়া চলে গেছে; - মাঝপথে জলের উচ্ছাসে
বাধা পেয়ে নদীরা মজিয়া গেছে দিকে দিকে- শৃশানের পাশে
আর তারা আসে নাকো; সুন্দরীর বনে বাঘ ভিজে জুল- জুল
চোখ তুলে চেয়ে থাকে- কতো পাটরানীদের গাঢ় এলোচুল
এই গৌড় বাংলায়- পড়ে আছে তাহার পায়ের তলে ঘাসে

জানে সে কি! দেখে নাকি তারাবনে পড়ে আছে বিচূর্ণ দেউল,
বিশুষ্ক পন্দ্যের দীঘি- ফোঁপড়া মহলা ঘাট, হাজার মহাল
মৃত সব রূপসীরা; বুকে আজ ভেরেন্ডার ফুলে ভীমরূল
গান গায়- পাশ দিয়ে খল্ খল্ খল্ বয়ে যায় খাল,
তবু ঘুম ভাঙ্গে নাকো- একবার ঘুমালে কে উঠে আসে আর
যদিও ডুকারি যায় শঙ্খচিল- মর্মরিয়া মরে গো মাদার।

কোথাও চলিয়া যাব

কোথাও চলিয়া যাব একদিন; - তারপর রাত্রির আকাশ
অসংখ্য নক্ষত্র নিয়ে ঘুরে যাবে কতকাল জানিব না আমি;
জানিব না কতকাল উঠানে ঝরিবে এই হলুদ বাদামী
পাতাগুলো- মাদারের ডুমুরের- সোঁদা গন্ধ- বাংলার শ্বাস
বুকে নিয়ে তাহাদের; - জানিব না পরথুপী মধুকৃপী ঘাস
কত কাল প্রাণ- রে ছড়ায়ে রবে- কাঁঠাল শাখার থেকে নামি
পাখনা ডলিবে পেচঁ এই ঘাসে- বাংলার সবুজ বালামী
ধানী শাল পশমিনা বুকে তার - শরতের রোদের বিলাস

কতো কাল নিঞ্ডাবে; - আচলে নাটোর কথা ভুলে গিয়ে বুঝি
কিশোরের মুখে চেয়ে কিশোরী করিবে তার ম্যদু মাথা নিচু;
আসন্ন সন্ধ্যার কাক- করঞ্জ কাকের দল খোড়া নীড় খুঁজি
উড়ে যাবে; - দুপুরে ঘাসের বুকে সিদুরের মতো রাঙ্গা লিচু
মুখে গুজে পড়ে রবে- আমিও ঘাসের বুকে রবো মুখ গুজি;
ম্যদু কাঁকনের শব্দ- গোরোচনা জিনি রং চিনিব না কিছু-

তোমার বুকের থেকে

তোমার বুকের থেকে একদিন চলে যাবে তোমার সন্তান
বাংলার বুক ছেড়ে চলে যাবে; যে ইঙ্গিতে নক্ষত্রও ঝরে,
আকাশের নীলাভ নরম বুক ছেড়ে দিয়ে হিমের ভিতরে
ডুবে যায়, - কুয়াশায় ঝ'রে পড়ে দিকে- দিকে রপশালী ধান
একদিন; - হয়তো বা নিমপেঁচা অন্ধকারে গা'বে তার গান,
আমারে কুড়ায়ে নেবে মেঠো ইঁদুরের মতো মরণের ঘরে -
হৃদয়ে ক্ষদের গন্ধ লেগে আছে আকাঞ্চার তরু ও তো চোখের উপরে
নীল, মৃত্যু উজাগর - বাঁকা চাঁদ, শূন্য মাঠ, শিশিরের আগ -

কখন মরণ আসে কে বা জানে - কালীদহে কখন যে ঝড়
কমলের নাম ভাঙ্গে - ছিঁড়ে ফেলে গাংচিল শালিকের প্রাণ
জানি নাকো; - তরু যেন মরি আমি এই মাঠ - ঘাটের ভিতর,
কৃষ্ণ যমুনায় নয় - যেন এই গাঙ্গুড়ের ডেউয়ের আত্মাণ
লেগে থাকে চোখে মুখে - রূপসী বাংলা যেন বুকের উপর
জেগে থাকে; তারি নিচে শুয়ে থাকি যেন আমি অর্ধনারীশ্বর।

গোলপাতা ছাউনির

গোলপাতা ছাউনির বুক চুমে নীল ধোঁয়া সকালে সন্ধ্যায়
উড়ে যায়- মিশে যায় আমবনে কার্তিকের কুয়াশার সাথে;
পুকুরের লাল সর ক্ষীণ টেউয়ে বার- বার চায় সে জড়াতে
করবীর কচি ডাল; চুমো খেতে চায় মাছরাঙ্গাটির পায়;
এক- একটি ইট ধসে- ডুবজলে ডুব দিয়ে কোথায় হারায়
ভাঙ্গা ঘাটলায় এই- আজ আর কেউ এসে চাল- ধোয়া হাতে
বিনুনি খসায় নাকো- শুকনো পাতা সারা দিন থাকে যে গড়াতে;
কড়ি খেলিবার ঘর মজে গিয়ে গোখুরার ফাটলে হারায়;

ডাইনীর মতো হাত তুলে- তুলে ভাঁট আঁশশ্যাওড়ার বন
বাতাসে কি কথা কয় বুঝি নাকো, - বুঝি নাকো চিল কেন কাঁদে
প্রথিবীর কোনো পথে দেখি নই আমি, হায়, এমন বিজন
শাদা পথ- সোঁদা পথ- বাঁশের ঘোমটা মুখে বিধবার ছাঁদে
চলে গেছে শুশানের পারে বুঝি; - সন্ধ্যা সহসা কখন;
সজিনার ডালে পেঁচা কাঁদে নিম- নিম নিম কার্তিকের চাঁদে।

অশ্বথে সন্ধ্যার হাওয়া

অশ্বথে সন্ধ্যার হাওয়া যখন লেগেছে নীল বাংলার বনে
মাঠে মাঠে ফিরি একা: মনে হয় বাংলার জীবনে সঙ্কট
শেষ হয়ে গেছে আজ; — চেয়ে দেখ কতো শত শতাব্দীর বট
হাজার সবুজ পাতা লাল ফল বুকে লয়ে শাখার ব্যজনে
আকাঞ্চার গান গায় — অশ্বথেরও কি যেন কামনা জাগে মনে :
সতীর শীতল শব বহু দিন কোলে লয়ে যেন অকপট
উমার প্রেমের গল্প পেয়েছে সে, চন্দ্রশেখরের মতো তার জট
উজ্জ্বল হতেছে তাই সপ্তমীর চাঁদের আজ পুনরাগমনে;

মধুকূপী ঘাস- ছাওয়া ধলেশ্বরীটির পাড়ে গৌরী বাংলার
এবার বল্লাল সেন আসিবে না জানি আমি — রায়গুণাকর
আসিবে না — দেশবন্ধু আসিয়াছে খরধার পদ্মায় এবার,
কালীগহে ক্লান্ত গাংশালিখের ভিড়ে যেন আসিয়াছে ঝড়,
আসিয়াছে চন্দ্রীদাস — রামপ্রসাদের শ্যামা সাথে সাথে তার;
শঙ্খমালা, চন্দ্রমালা : মৃত শত কিশোরীর কক্ষণের স্বর।
(দেশবন্ধু : ১৩২৬- ১৩৩২ এর স্মরণে)

ভিজে হয়ে আসে মেঘে

ভিজে হয়ে আসে মেঘে এ- দুপুর - চিল একা নদীটির পাশে
জারুল গাছের ডালে বসে বসে চেয়ে থাকে ওপারের দিকে;
পায়রা গিয়েছে উড়ে তবু চরে, খোপে তার; - শসাতাটিকে,
ছেড়ে গেছে মৌমাছি; - কালো মেঘ জমিয়াছে মাঘের আকাশে,
মরা প্রজাতিটির পাখার নরম রেণু ফেলে দিয়ে ঘাসে
পিংপড়েরা চলে যায়; - দুই দন্ড আম গাছে শালিখে - শালিখে
বুটোপুটি, কোলাহল - বউকথাকও আর রাঙ্গা বউটিকে
ডাকে নাকো- হলুদ পাখনা তার কোন যেন কাঠালে পলাশে

হারায়েছে; বউ উঠানে নাই - প'ড়ে আছে একখানা টেঁকি;
ধান কে কুটবে বলো- কত দিন সে তো আর কোটে নাকো ধান,
রোদেও শুকাতে সে যে আসে নাকো চুল তার - করে নাকে স্নান
এ- পুরুরে - ভাঁড়ারে ধানের বীজ কলায়ে গিয়েছে তার দেখি,
তবুও সে আসে নাকে; আজ এ দুপুরে এসে খই ভাজিবে কি?
হে চিল, সোনালি চিল, রাঙ্গা রাজকন্যা আর পাবে না কি প্রাণ?

খুঁজে তারে মরো মিছে

খুঁজে তারে মরো মিছে – পাড়াগাঁর পথে তারে পাবে নাকো আর;
রয়েছে অনেক কাক এ উঠানে – তবু সেই ক্লান্ত দাঁড়কাক
নাই আর; – অনেক বছর আগে আমে জামে হষ্ট এক ঝাঁক
দাঁড়কাক দেখা যেত দিন – রাত, – সে আমার ছেলেবেলাকার
কবেকার কথা সব; আসিবে না পৃথিবীতে সেদিন আবার:
রাত না ফুরাতে সে যে কদম্বের ডাল থেকে দিয়ে যেত ডাক, –
এখনো কাকের শব্দে অঙ্ককার ভোরে আমি বিমনা, অবাক
তার কথা ভাবি শুধু; এত দিনে কোথায় সে? কি যে হলো তার

কোথায় সে নিয়ে গেছে সঙ্গে করে সেই নদী, ক্ষেত, মাঠ, ঘাস,
সেই দিন, সেই রাত্রি, সেই সব ম্লান চুল, ভিজে শাদা হাত
সেইসব নোনা গাছ, করমচা, শামুক গুগলি, কচি তালশাসঁ
সেইসব ভিজে ধুলো, বেলকুড়ি ছাওয়া পথ, ধোয়া ওঠা ভাত,
কোথায় গিয়েছে সব? – অসংখ্য কাকের শব্দে ভরিছে আকাশ
ভোর রাতে – নবান্নের ভোরে আজ বুকে যেন কিসের আঘাত!

পাড়াগাঁর দু'পহর

পাড়াগাঁর দু'পহর ভালোবাসি – রৌদ্র যেন গন্ধ লেগে আছে
স্বপনের; – কোন গল্প, কি কাহিনী, কি স্বপ্ন যে বাঁধিয়াছে ঘর
আমার হৃদয়ে, আহা, কেউ তাহা জানে নাকো – কেবল প্রান্তর
জানে তাহা, আর ওই প্রান্তরের শঙ্খচিল; তাহাদের কাছে
যেন এ- জনমে নয় – যেন তের যুগ ধরে কথা শিখিয়াছে
এ – হৃদয় – স্বপ্নে যে বেদনা আছে : শুক্ষ পাতা – শালিখের স্বর,
ভাঙ্গা মঠ – নকশাপেড়ে শাড়িখানা মেঘেটির রৌদ্রের ভিতর
হলুদ পাতার মতো স'রে যায়, জলসিঙ্গিটির পাশে ঘাসে

শাখাগুলো নুয়ে আছে বহু দিন ছন্দহীন বুনো চালতার:
জলে তার মুখখানা দেখা যায় – ডিঙিও ভাসিছে কার জলে,
মালিক কোথাও নাই, কোনোদিন এই দিকে আসিবেনা আর,
বাঁঝারা ফোঁপরা, আহা ডিঙিটিরে বেঁধে রেখে গিয়েছে হিজলে;
পাড়াগাঁর দু – পহর ভালোবাসি – রৌদ্রে যেন ভিজে বেদনার
গন্ধ লেগে আছে, আহা, কেঁদে কেঁদে ভাসিতেছে আকাশের তলে।

কখন সোনার রোদ

কখন সোনার রোদ নিভে গেছে – অবিরল শুপুরির সারি
আঁধারে যেতেছে ডুবে – প্রান্তরের পার থেকে গরম বাতাস
ক্ষুধিত চিলের মতো চৈত্রের এ অঙ্ককার ফেলিতেছে শ্বাস;
কোন চৈত্রে চলে গেছে সেই মেয়ে – আসিবে না করে গেছে আড়ি :
ক্ষীরঢ়ি গাছের পাশে একাকী দঁড়ায়ে আজ বলিতে কি পারি
কোথাও সে নাই এই পৃথিবীতে তাহার শরীর থেকে শ্বাস
ঝরে গেছে বলে তারে ভুলে গেছে নক্ষত্রের অসীম আকাশ,
কোথাও সে নাই আর – পাব নাকো তারে কোনো পৃথিবী নিঙাড়ি?

এই মাঠে – এই ঘাসে ফলসা এ- ক্ষীরঢ়িয়ে যে গন্ধ লেগে আছে
আজও তার যখন তুলিতে যাই টেকিশাক – দুপুরের রোদে
সর্বের ক্ষেত্রের দিকে চেয়ে থাকি – অস্বাগে যে ধান ঝরিয়াছে
তাহার দু- এক গুচ্ছ তুলে নিই, চেয়ে দেখি নির্জন আমোদে
পৃথিবীর রাঙ্গা রোদে ঢিতেছে আকাঙ্ক্ষায় চিনিচাঁপা গাছে –
জানি সে আমার কাছে আছে আজো – আজো সে আমার কাছে কাছে।

এই পৃথিবীতে এক

এই পৃথিবীতে এক স্থান আছে - সবচেয়ে সুন্দর করণঃ
সেখানে সবুজ ডাঙা ভ'রে আছে মধুকূপী ঘাসে অবিরল;
সেখানে গাছের নাম : কঠাল, অশ্বথ, বট, জারুল, হিজল;
সেখানে ভোরের মেঘে নাটার রঙের মতো জাগিছে অরণঃ
সেখানে বারুণী থাকে গঙ্গাপসাগরের বুকে, - সেখানে বরণ
কর্ণফুলী ধলেশ্বরী পদ্মা জলাঞ্জীরে দেয় অবিরল জল;
সেইখানে শঙ্খচিল পানের বনের মতো হাওয়ায় চঞ্চল,
সেইখানে লক্ষ্মীপেঁচা ধানের গন্ধের মতো অম্ফুট, তরণঃ

সেখানে লেবুর শাখা নুয়ে থাকে অন্ধকারে ঘাসের উপর;
সুদর্শন উড়ে যায় ঘরে তার অন্ধকার সন্ধ্যার বাতাসে;
সেখানে হলুদ শাড়ি লেগে থাকে ঝুপসীর শরীরের 'পর -
শঙ্খমালা নাম তার : এ- বিশাল পৃথিবীর কোনো নদী ঘাসে
তারে আর খুঁজে তুমি পাবে নাকো বিশালাক্ষী দিয়েছিল বর,
তাই সে জন্মেছে নীল বাংলার ঘাস আর ধানের ভিতর।

কত ভোরে- দু'- পহরে

কত ভোরে- দু'- পহরে - সন্ধ্যায় দেখি নীল শুপুরির বন
বাতাসে কাঁপিছে ধীরে; - খাঁচার শুকের মতো গাহিতেছে গান
কোন এক রাজকন্যা- পরনে ঘাসের শাড়ি- কালো চুলে ধান
বাংলার শালিধান- আঙিনায় ইহাদের করেছে বরণ,
হৃদয়ে জলের গন্ধ কন্যার- ঘূম নাই, নাইকো মরণ
তার আর কোনোদিন- পালক্ষে সে শোয় নাকো, হয় নাকো ম্লান,
লক্ষ্মীপেঁচা শ্যামা আর শালিখের গানে তার জাগিতেছে প্রাণ-
সারাদিন- সারারাত বুকে ক'রে আছে তারে শুপুরির বন;

সকালে কাকের ডাকে আলো আসে, চেয়ে দেখি কালো দাঁড়কাক
সবুজ জঙ্গল ছেয়ে শুপুরির- শ্রীমন্তও দেখেছে এমন :
যখন ময়ূরপঞ্জী ভোরের সিন্ধুর মেঘে হয়েছে অবাক,
সুদূর প্রবাস থেকে ফিরে এসে বাংলার শুপুরির বন
দেখিয়াছে- অকস্মাত গাঢ় নীল : করুণ কাকের ক্লান্ত ডাক
শুনিয়াছে- সে কত শতাব্দী আগে ডেকেছিল তাহারা যখন।

এই ডাঙা ছেড়ে হায়

এই ডাঙা ছেড়ে হায় রূপ কে খুঁজিতে যায় পৃথিবীর পথে।
বটের শুকনো পাতা যেন এক যুগান্তের গল্প দেকে আনে:
ছড়ায়ে রয়েছে তারা প্রান্তরের পথে পথে নির্জন অস্তানে; -
তাদের উপেক্ষা ক'রে কে যাবে বিদেশে বলো- আমি কোনো- মতে
বাসমতী ধানক্ষেত ছেড়ে দিয়ে মালাবারে- উটির পর্বতে
যাব নাকো, দেখিব না পামগাছ মাথা নাড়ে সমুদ্রের গানে
কোন দেশে, - কোথায় এলাচিফুল দারুচিনি বারুণীর প্রাণে
বিনুনী খসায়ে ব'সে থাকিবার স্বপ্ন আনে; - পৃথিবীর পথে

যাব নাকো : অশ্বথের ঝরাপাতা ম্লান শাদা ধুলোর ভিতর,
যখন এ- দু'- পহরে কেউ নাই কোনো দিকে- পাখিটিও নাই,
অবিরল ঘাস শুধু ছড়ায়ে র'য়েছে মাটি কাঁকরের 'পর,
খড়কুটো উল্টায়ে ফিরিতেছে দু'একটা বিষণ্ণ চড়াই,
অশ্বথের পাতাগুলো প'ড়ে আছে ম্লান শাদা ধুলোর ভিতর;
এই পথ ছেড়ে দিয়ে এ- জীবন কোনোখানে গেল নাকো তাই।

এখানে আকাশ নীল

এখানে আকাশ নীল- নীলাভ আকাশ জুড়ে সজিনার ফুল
ফুটে থাকে হিম শাদা- রং তার আশ্বিনের আলোর মতন;
আকন্দফুলের কালো ভীমরূপ এইখানে করে গুঞ্জরণ
রৌদ্রের দুপুর ত'রে; - বারবার রোদ তার সুচিকৃণ চুল
কাঁঠাল জামের বুকে নিঙড়ায়ে; - দহে বিলে চঞ্চল আঙুল
বুলায়ে বুলায়ে ফেরে এইখানে জাম লিচু কাঁঠালের বন,
ধনপতি, শ্রীমন্তের, বেহুলার, লহনার ছুঁয়েছে চরণ;
মেঠো পথে মিশে আছে কাক আর কোকিলের শরীরের ধূল,

কবেকার কোকিলের জানো কি তা? যখন মুকুন্দরাম, হায়,
লিখিতেছিলেন ব'সে দু'পহরে সাধের সে চন্দিকামঙ্গল,
কোকিলের ডাক শুনে লেখা তাঁর বাধা পায়- থেমে থেমে যায়; -
অথবা বেহুলা একা যখন চলেছে ভেঙে গাঙ্গড়ের জল
সন্ধ্যার অন্ধকারে, ধানক্ষেতে, আমবনে, অস্পষ্ট শাখায়
কোকিলের ডাক শুনে চোখে তার ফুটেছিল কুয়াশা কেবল।

କୋଥାଓ ମଠେର କାହେ

କୋଥାଓ ମଠେର କାହେ – ସେଇଥାନେ ଭାଙ୍ଗା ମଠ ନୀଳ ହରେ ଆଛେ
ଶ୍ୟାଓଲାୟ – ଅନେକ ଗଭୀର ଘାସ ଜମେ ଗେଛେ ବୁକେର ଭିତର,
ପାଶେ ଦୀଘି ମଜେ ଆଛେ – ରୂପାଲୀ ମାଛେର କର୍ଣ୍ଣେ କାମନାର ସ୍ଵର
ସେଇଥାନେ ପଟରାନୀ ଆର ତାର ରୂପସୀ ସଖୀରା ଶୁନିଯାଏଁ
ବହୁ ବହୁ ଦିନ ଆଗେ – ସେଇଥାନେ ଶଞ୍ଚମାଳା କାଁଥା ବୁନିଯାଏଁ
ମେ କତ ଶତାବ୍ଦୀ ଆଗେ ମାଛରାଙ୍ଗା – ଝିଲମିଲ – କଡ଼ି ଖେଳା ସର;
କୋନ୍ ସେଇ କୁହକୀର ଝାଁଡ଼ଫୁଁକେ ଡୁବେ ଗେଛେ ସବ ତାରପର
ଏକଦିନ ଆମି ଯାବ ଦୁ- ପ୍ରହରେ ସେଇ ଦୂର ପ୍ରାନ୍ତରେର କାହେ,

ସେଥାନେ ମାନୁଷ କେଉ ଯାଯ ନାକେ – ଦେଖା ଯାଯ ବାଘିନୀର ଡୋରା
ବେତେର ବନେର ଫାଁକେ – ଜାରୁଳ ଗାଛେର ତଳେ ରୌଦ୍ର ପୋହାଯ
ରୂପସୀ ମୃଗୀର ମୁଖ ଦେଖା ଯାଯ, – ଶାଦା ଭାଁଟ ପୁଷ୍ପେର ତୋଡ଼ା
ଆଲୋକତାର ପାଶେ ଗନ୍ଧ ଢାଲେ ଦ୍ରୋଣଫୁ ବାସକେର ଗାଯ;
ତବୁ ଓ ସେଥାନେ ଆମି ନିଯେ ଯାବୋ ଏକଦିନ ପାଟକିଲେ ଘୋଡ଼ା
ଯାର ରୂପ ଜନ୍ମେ – ଜନ୍ମେ କାଁଦାଯେଛେ ଆମି ତାରେ ଖୁଜିବ ସେଥାଯ ।

চ'লে যাব শুকনো পাতা- ছাওয়া

চ'লে যাব শুকনো পাতা- ছাওয়া ঘাসে – জামরুল হিজলের বনে;
তলতা বাঁশের ছিপ হাতে রবে – মাছ আমি ধরিব না কিছু; –
দীঘির জলের গন্ধে রূপালি চিতল আর রূপসীর পিছু
জামের গভীর পাতা – মাখা শান্ত – নীল জলে খেলিছে গোপনে;
আনারস ঝোপে ওই মাছরাঙ্গা তার মাছরাঙ্গাটির মনে
অস্পষ্ট আলোয় যেন মুছে যায় – সিঁদুরের মতো রাঙ্গা লিচু
ঝড়ে পড়ে পাতা ঘাসে, – চেয়ে দেখি কিশোরী করেছে মাথা নিচু –
এসেছে সে দুপুরের অবসরে জামরুল লিচু আহরণে –

চলে যায়; নীলাস্তরী সরে যায় কোকিলের পাখনার মতো
ক্ষীরুয়ের শাখা ছুঁয়ে চালতার ডাল ছেড়ে বাঁশের পিছনে
কোনো দূর আকাঞ্চ্ছার ক্ষেতে মাঠে চলে যায় যেন অব্যহত,
যদি তার পিছে যাও দেখিবে সে আকন্দের করবীর বনে
ভোমরার ভয়ে ভীরু – বহুক্ষণ পায়চারি করে আনমনে
তারপর চলে গেল : উড়ে গেল যেন নীল ভোমরার সনে।

এখানে ঘুঘুর ডাকে

এখানে ঘুঘুর ডাকে অপরাহ্নে শান্তি আসে মানুষের মনে;
এখানে সবুজ শাখা আঁকাবাঁকা হলুদ পাথিরে রাখে ঢেকে;
জামের আড়ালে সেই বউকথাকওটিরে যদি ফেল দেখে
একবার — একবার দু'পহর অপরাহ্নে যদি এই ঘুঘুর গুঞ্জনে
ধরা দাও — তাহলে অনন্তকাল থাকিতে যে হবে এই বনে;
মৌরির গন্ধমাখা ঘাসের শরীরে ক্লান্ত দেহটিরে রেখে
আশ্চিনের ক্ষেতবারা কচি কচি শ্যামা পোকাদের কাছে ডেকে

রব আমি চকোরীর সাথে যেন চকোরের মতন মিলনে;
উঠানে কে রূপবতী খেলা করে — ছাড়ায়ে দিতেছে বুঝি ধান
শালিখের; ঘাস থেকে ঘাসে ঘাসে খুঁটে খুঁটে খেতেছে সে তাই;
হলুদ নরম পায়ে খয়েরি শালিখগুলো ডরিছে উঠান;
চেয়ে দ্যাখো সুন্দরীরে : গোরোচনা রূপ নিয়ে এসেছে কি রাই!
নীলনদে — গাঢ় রৌদ্রে — কবে আমি দেখিয়াছি — করেছিল স্নান —

শুশানের দেশে তুমি

শুশানের দেশে তুমি আসিযাছ — বহুকাল গেয়ে গেছ গান
সোনালি চিলের মতো উড়ে উড়ে আকাশের রৌদ্র আর মেঘে, —
লক্ষ্মীর বাহন যেই স্নিঞ্চ পাখি আশ্বিনের জ্যোৎস্নার আবেগে
গান গায — শুনিয়াছি রাখিপূর্ণিমার রাতে তোমার আহ্বান
তার মতো; আম চাঁপা কদমের গাছ থেকে গাহে অফুরান
যেন স্নিঞ্চ ধান ঝরে.. অনন — সবুজ শালি আছে যেন লেগে
বুকে তব; বল্লালের বাংলায কবে যে উঠলে তুমি জেগে;
পদ্মা, মেঘনা, ইচ্ছামতী নয় শুধু — তুমি কবি করিয়াছ স্নান

সাত সমুদ্রের জলে, — ঘোড়া নিয়ে গেছ তুমি ধূম নারীবেশে
অর্জুনের মতো, আহা, — আরো দূর ম্লান নীল রূপের কুয়াশা
ফুঁড়েছ সুপর্ণ তুমি — দূর রং আরো দূর রেখা ভালোবেসে;
আমাদের কালীদাহ — গাঞ্জড় — গাঞ্জের চিল তবু ভালোবাসা
চায যে তোমার কাছে — চায, তুমি ঢেলে দাও নিজেরে নিঃশেষে
এই দহে — এই চুর্ণ মঠে — মঠে — এই জীর্ণ বটে বাঁধো বাসা।

ତ୍ରୁ ତାହା ଭୁଲ ଜାନି

ତ୍ରୁ ତାହା ଭୁଲ ଜାନି – ରାଜବନ୍ଧୁରେ କୀର୍ତ୍ତି ଭାଣେ କୀର୍ତ୍ତିନାଶଃ;

ତ୍ରୁଓ ପଦ୍ମାର ରୂପ ଏକୁଶରତ୍ରେ ଚେଯେ ଆରୋ ତେର ଗାଡ଼ –

ଆରୋ ତେର ପ୍ରାଣ ତାର, ବେଗ ତାର, ଆରୋ ତେର ଜଳ, ଜଳ ଆରୋ;

ତୋମାରୋ ପ୍ରଥିବୀ ପଥ; ନକ୍ଷତ୍ରେର ସାଥେ ତୁମି ଖେଲିତେଛ ପାଶା:

ଶଞ୍ଖମାଲା ନୟ ଶୁଦ୍ଧ: ଅନୁରାଧା ରୋହିନୀର ଓ ଚାଓ ଭାଲୋବାସା,

সোনার খাঁচার বুকে

সোনার খাঁচার বুকে রহিব না আমি আর শুকের মতন;
কি গল্প শুনিতে চাও তোমরা আমার কাছে – কোন্ কোন্ গান, বলো,
তাহলে এ – দেউলের খিলানের গল্প ছেড়ে চলো, উড়ে চলো, –
যেখানে গভীর ভোরে নোনাফল পাকিয়াছে, – আছে আতাবন,
পটঘরের ভিজে ভোরে, আজ হায় মন যেন করিছে কেমন; –
চন্দ্রমালা, রাজকন্যা, মুখ তুলে চেয়ে দেখ – শুধাই, শুন লো,
কি গল্প শুনিতে চাও তোমরা আমার কাছে, – কোন্ গান বলো,
আমার সোনার খাঁচা খুলে দাও, আমি যে বনের হীরামন;

রাজকন্যা শোনে নাকো – আজ ভোরে আরসীতে দেখে নাকো মুখ,
কোথায় পাহাড় দূরে শাদা হয়ে আছে যেন কড়ির মতন, –
সেই দিকে চেয়ে – চেয়ে দিনভোর ফেটে যায় রূপসীর বুক,
তবুও সে বোঝে না কি আমারো যে সাধ আছে – আছে আনমন
আমারো যে – চন্দ্রমালা, রাজকন্যা, শোনো – শোনো তোলো তো চিবুক।
হাড়পাহাড়ের দিকে চেয়ে চেয়ে চেয়ে হিম গেছে তার স্নান।

কত দিন সন্ধ্যার

কত দিন সন্ধ্যার অন্ধকারে মিলিয়াছি আমরা দুজনে;
আকাশ প্রদীপ জ্বলে তখন কাহারা যেন কার্তিকের মাস
সাজায়েছে, — মাঠ থেকে গাজন গানের স্নান ধোঁয়াটে উচ্ছাস
ভেসে আসে; ডানা তুলে সাপমাসী উড়ে যায় আপনার মনে
আকন্দ বনের দিকে; একদল দাঁড়কাক ম্লান গুঞ্জরণে
নাটার মতন রাঙ্গা মেঘ নিঙড়ায়ে নিয়ে সন্ধ্যার আকাশ
দু'মুহূর্ত ভরে রাখে — তারপর মৌরির গন্ধমাখা ঘাস
পড়ে থাক: লক্ষ্মীপেঁচা ডাল থেকে ডালে শুধু উড়ে চলে বনে

আধো ফোটা জ্যোৎস্নায়; তখন ঘাসের পাশে কতদিন তুমি
হলুদ শাড়িটি বুকে অন্ধকারে ফিঙার পাখনার মতো
বসেছ আমার কাছে এইখানে — আসিয়াছে শটিবন চুমি
গভীর আঁধার আরো — দেখিয়াছি বাদুড়ের মৃদু অবিরত
আসা — যাওয়া আমরা দুজনে বসে বলিয়াছি ছেঁড়াফাঁড়া কত
মাঠ ও চাঁদের কথা: ম্লান চোখে একদিন সব শুনেছ তো।

এ- সব কবিতা আমি

এ- সব কবিতা আমি যখন লিখেছি বসে নিজ মনে একা;
চালতার পাতা থেকে টুপ – টুপ জ্যোৎস্নায় ঝরছে শিশির;
কুয়াশায় স্থির হয়ে ছিল স্নান ধানসিড়ি নদীটির তীরে;
বাদুড় আধাৱ ডানা মেলে হিম জ্যোৎস্নায় কাটিয়াছে রেখা
আকাঞ্চার; নিভু দীপ আগলায়ে মনোরমা দিয়ে গেছে দেখা
সঙ্গে তার কবেকার মৌমাছির.... কিশোরীর ভিড়
আমের বউল দিল শীতরাতে; – আনিল আতার হিম ক্ষীর;
মলিন আলোয় আমি তাহাদের দেখিলাম, – এ কবিতা লেখা

তাহাদের স্নান মনে কবে, তাহাদের কড়ির মতন
ধূসর হাতের রূপ মনে করে; তাহাদের হৃদয়ের তরে।
সে কত শতাব্দী আগে তাহাদের করুণ শঙ্খের মতো স্তন
তাহাদের হলুদ শাড়ি – ক্ষীর দেহ – তাহাদের অপরূপ মন
চলে গেছে পৃথিবীর সব চেয়ে শান্ত হিম সান্ত্বনার ঘরে :
আমার বিষম স্বপ্নে থেকে থেকে তাহাদের ঘুম ভেঙে পড়ে।

কত দিন তুমি আমি

কত দিন তুমি আমি এসে এইখানে বসিয়াছি ঘরের ভিতর
খড়ের চালের নিচে, অন্ধকারে; — সন্ধ্যার ধূসর সজল
মৃদু হাত খেলিতেছে হিজল জামের ডালে — বাদুড় কেবল
করিতেছে আসা- যাওয়া আকাশের মৃদু পথে — ছিন্ন ভিজে খড়
বুকে নিয়ে সনকার মতো যেন পড়ে আছে নরম প্রান্তর;
বাঁকা চাঁদ চেয়ে আছে — কুয়াশায় গা ভাসায়ে দেয় অবিরল
নিঃশব্দ গুবরে পোকা — সাপমাসী — ধানী শ্যামাপোকাদের দল;
দিকে দিকে চালধোয়া গন্ধ মৃদু — ধূসর শাড়ির ক্ষীণ স্বর

শোনা যায় — মানুষের হৃদয়ের পুরোনো নীরব
বেদনার গন্ধ ভাসে — খড়ের চালের নিচে তুমি আর আমি
কতদিন মলিন আলোয় বসে দেখেছি বুঝেছি এই সব;
সময়ের হাত থেকে ছুটি পেয়ে স্বপনের গোধূলিতে নামি
খড়ের চালের নিচে মুখোমুখি বসে থেকে তুমি আর আমি
ধূসর আলোয় বসে কতদিন দেখেছি বুঝেছি এইসব।

এখানে প্রাণের শ্বেত

এখানে প্রাণের শ্বেত আসে যায় – সন্ধ্যায় ঘুমায় নীরবে
মাটির ভিটের ‘পরে – লেগে থাকে অন্ধকারে ধূলোর আত্মাণ
তাহাদের চোখে – মুখে; – কদম্বের ডালে পেঁচা কথা কবে –
কঁঠালের ডাল থেকে হিজলের ডালে গিয়ে করিবে আহ্বান
সাপমাসী পোকাটিরে... সেই দিন আঁধারে উঠিবে নড়ে ধান
ইন্দুরের ঠোঁটে – চোখে; বাদুড়ের কালো ডানা করমচা পল্লবে

কুয়াশারে নিঞ্জড়ায়ে উড়ে যাবে আরো দূর নীল কুয়াশায়,
কেউ তাহা দেখিবে না; – সেদিন এ পাড়াগাঁর পথের বিষ্ণয়
দেখিতে পাবো না আর – ঘুমায়ে রহিবে সব; যেমন ঘুমায়
আজ রাতে মৃত যারা; যেমন হতেছে ঘুমে ক্ষয়
অশ্বথ ঝাউয়ের পাতা চুপে – চুপে আজ রাতে, হায়;
যেমন ঘুমায় মৃতা, – তাহার বুকের শাড়ি যেমন ঘুমায়।

একদিন যদি আমি

একদিন যদি আমি কোনো দূর বিদেশের সমুদ্রের জলে
ফেনার মতন ভাসি শীত রাতে – আসি নাকো তোমাদের মাঝে
ফিরে আর – লিচুর পাতার ‘পরে বহুদিন সাঁবো
যেই পথে আসা- যাওয়া করিয়াছি, – একদিন নক্ষত্রের তলে
কয়েকটা নাটাফল তুলে নিয়ে আনারসী শাড়ির আচঁলে
ফিঞ্চার মতন তুমি লঘু চোখে চলে যাও জীবনের কাজে,
এই শুধু... বেজির পায়ের শব্দ পাতার উপড়ে যদি বাজে
সারারাত... ডানার অস্পষ্ট ছায়া বাদুড়ের ক্লান্ত হয়ে চলে

যদি সে পাতার ‘পরে, – শেষ রাতে প্রথিবীর অঙ্ককারে শীতে
তোমার ক্ষীরের মতো মন্দু দেহ – ধূসর চিবুক, বাম হাত
চালতা গাছের পাশে খোড়ো ঘরে স্নিহ হয়ে ঘুমায় নিভৃতে,
তবুও তোমার ঘুম ভেঙে যাবে একদিন চুপে অকস্মাত
তুমি যে কড়ির মালা দিয়েছিলে – সে হার ফিরাবে দিয়ে দিতে
যখন কে এক ছায়া এসেছিল... দরজায় করেনি আঘাত।

দূর পৃথিবীর গন্ধে

দূর পৃথিবীর গন্ধে ভরে ওঠে আমার এ বাঙালির মন
আজ রাতে; একদিন মৃত্যু এসে যদি দূর নক্ষত্রের তলে
অচেনা ঘাসের বুকে আমারে ঘুমায়ে যেতে বলে
তবুও সে ঘাস এই বাংলার অবিরল ঘাসের মতন
মউরীর মৃদু গন্ধে ভরে রবে, — কিশোরীর স্তন
প্রথম জননী হয়ে যেমন নরম দুধে গলে
পৃথিবীর সব দেশে-সব চেয়ে ঢের দূর নক্ষত্রের তলে
সব পথে এই সব শান্তি — আছে: ঘাস — চোখ — শাদা হাত — স্তন —

কোথাও আসিবে মৃত্যু — কোথাও সবুজ মৃদু ঘাস
আমারে রাখিবে ঢেকে — ভোরে, রাতে, দু'পহরে পাখির হৃদয়
ঘাসের মতন সাধে ছেয়ে রবে রাতের আকাশ
নক্ষত্রের নীল ফুলে ফুটে রবে — বাংলার নক্ষত্র কি নয়?
জানি নাকো; তবুও তাদের বুকে স্থির শান্তি- শান্তি লেগে যায়;
আকাশের বুকে তারা যেন চোখ — শাদা হাত যেন স্তন — ঘাস — ।

অশ্বথ বটের পথে

অশ্বথ বটের পথে অনেক হয়েছি আমি তোমাদের সাথী;
ছড়ায়েছি খই ধান বহুদিন উঠানের শালিখের তরে;
সন্ধ্যায় পুকুর থেকে হাঁসটিরে নিয়ে আমি তোমাদের ঘরে
গিয়েছি অনেক দিন, — দেখিয়াছি ধূপ জ্বালো, ধরো সন্ধ্যাবাতি
থোড়ের মতন শাদা ভিজে হাতে, — এখনি আসিবে কিনা রাতি
বিনুনি বেঁধেছ তাই — কাঁচপোকাটিপ তুমি কপালের 'পরে
পড়িয়াছ... তারপর ঘুমায়েছ: কঙ্কাপাড় আঁচলটি ঝরে
পানের বাটার 'পরে; নোনার মতন নন্দ শরীরটি পাতি

নির্জন পালক্ষে তুমি ঘুমায়েছ, — বউকথাকওটির ছানা
নীল জামরুল নীড়ে — জ্যোৎস্নায় — ঘুমায়ে রয়েছে যেন, হায়,
আর রাত্রি মাতাপাখিটির মতো ছড়ায়ে রয়েছে তার ডানা।...
আজ আমি ক্লান্ত চোখে ব্যবহৃত জীবনের ধুলোয় কঁটায়
চলে গে'ছি বহু দূরে; — দেখোনিকো, বোঝানিকো, করোনিকো মানা
রূপসী শঙ্খের কৌটা তুমি যে গো প্রাণহীন — পানের বাটায়।
(১৩২৬ - এর কতকগুলো দিনের স্মরণে)

ঘাসের বুকের থেকে

ঘাসের বুকের থেকে কবে আমি পেয়েছি যে আমার শরীর -
সবুজ ঘাসের থেকে; তাই রোদ ভালো লাগে - তাই নীলাকাশ
মন্দু ভিজে সকরণ মনে হয়; - পথে পথে তাই এই ঘাস
জলের মতন স্নিঞ্চ মনে হয়, - কউমাছিদের যেন নীড়
এই ঘাস; - যত দূর যাই আমি আরো যত দূর পৃথিবীর
নরম পায়ের তলে যেন কত কুমারীর বুকের নিঃশ্বাস
কথা কয় - তাহাদের শান্ত - হাত খেলা করে - তাদের খোঁপায় এলো ফাঁস
খুলে যায় - ধূসর শাড়ির গন্ধে আসে তারা - অনেক নিবিড়

পুরোনো প্রাণের কথা কয়ে যায় - হৃদয়ের বেদনার কথা -
সান্ত্বনার নিভৃত নরম কথা - মাঠের চাঁদের গল্প করে -
আকাশের নক্ষত্রের কথা কয়; - শিশিরের শীত সরলতা
তাহাদের ভালো লাগে, - কুয়াশারে ভালো লাগে চোখের উপরে;
গরম বৃষ্টির ফোঁটা ভালো লাগে; শীত রাতে - পেঁচার ন্তৃতা;
ভালো লাগে এই যে অশ্বথ পাতা আমপাতা সারারাত ঝরে।

এই জল ভালো লাগে

এই জল ভালো লাগে; বৃষ্টির রূপালি জল কত দিন এসে
ধুয়েছে আমার দেহ – বুলায়ে দিয়েছে চুল – চোখের উপরে
তার শান্ত – স্নিঞ্চ হাত রেখে কত খেলিয়াছে, – আবেগের ভরে
ঠোঁটে এসে চুমা দিয়ে চলে গেছে কুমারীর মতো ভালোবেসে;
এই জল ভালো লাগে; – নীলপাতা মৃদু ঘাস রৌদ্রের দেশে
ফিঙ্গা যেমন তার দিনগুলো ভালোবাসে – বনের ভিতর
বার বার উড়ে যায়, – তেমনি গোপন প্রেমে এই জল ঝরে
আমার দেহের পরে আমার চোখের পরে ধানের আবেশে

ঝরে পড়ে; – যখন অস্ত্রাণ রাতে ভরা ক্ষেত হয়েছে হলুদ,
যখন জামের ডালে পেঁচার নরম হিম গান শোনা যায়,
বনের কিনা ঝরে যেই ধান বুকে করে শান্ত – শালক্ষুদ,
তেমনি ঝরিছে জল আমার ঠোঁটের পরে চোখের পাতায় –
আমার চুলের পরে, – অপরাহ্নে রাঙ্গা রোদে সবুজ আতায়
রেখেছে নরম হাত যেন তার – ঢালিছে বুকের থেকে দুধ।

একদিন পৃথিবীর পথে

একদিন পৃথিবীর পথে আমি ফেলিয়াছি, আমার শরীর
নরম ঘাসের পথে হাঁটিয়াছে; বসিয়াছে ঘাসে
দেখিয়াছে নক্ষত্রের জোনাকিপোকার মতো কৌতুকের অন্মেয় আকাশে
খেলা করে; নদীর জলের গন্ধে ভরে যায় ভিজে স্নিখ তীর
অন্ধকারে; পথে পথে শব্দ পাই কাহাদের নরম শাড়ির,
ম্লান চুল দেখা যায়; সান্ত্বনার কথা নিয়ে কারা আসে -
ধূসর কড়ির মতো হাতগুলো - নগ্ন হাত সন্ধ্যার বাতাসে
দেখা যায়: হলুদ ঘাসের কাছে মরা হিম প্রজাপতিটির

সুন্দর করুণ পাখা পড়ে আছে - দেখি আমি; - চুপে থেমে থাকি;
আকাশে কমলা রঙ ফুটে ওঠে সন্ধ্যায় - কাকগুলো নীল মনে হয়;
অনেক লোকের ভিড়ে ডুবে যাই - কথা কই - হাতে হাত রাখি;
করুণ বিষম চুলে কার যেন কোথাকার গভীর বিষয়
লুকায়ে রয়েছে বুঝি... নক্ষত্রের নিচে আমি ঘুমাই একাকী;
পেঁচার ধূসর ডানা সারারাত জোনাকির সাথে কথা কয়।

পৃথিবীর পথে আমি

পৃথিবীর পথে আমি বহুদিন বাস করে হন্দয়ের নরম কাতর
অনেক নিভৃত কথা জানিয়াছি; পৃথিবীতে আমি বহুদিন
কাটায়েছি; বনে বনে ডালপালা উড়িতেছে – যেন পরী জিন
কথা কয়; ধূসর সন্ধ্যায় আমি ইহাদের শরীরের পর
খইয়ের ধানের মতো দেখিয়াছি ঝারে ঝার ঝার
দু-ফোটা মেঘের বৃষ্টি, – শাদা ধুলো জলে ভিজে হয়েছে মলিন,
মান গন্ধ মাঠে ক্ষেতে... গুবরে পোকার তুচ্ছ বুক থেকে ক্ষীণ
অস্ফুট করুণ শব্দ ডুবিতেছে অঙ্ককারে নদীর ভিতর:
এই সব দেখিয়াছি; – দেখিয়াছি নদীটি঱ে – মজিতেছে ঢালু অঙ্ককারে;

সাপমাসী উড়ে যায়; দাঁড়কাক অশ্বথে’র নীড়ের ভিতর
পাখনার শব্দ করে অবিরাম; কুয়াশায় একাকী মাঠের ঐ ধারে
কে যেন দাঁড়ায়ে আছে: আরো দূরে দু একটা স্তন্ধ খোড়ো ঘর
পড়ে আছে; – খাগড়ার বনে ব্যাং ডাকে কেন – থামিতে কি পারে;
‘তুমি কেন এইখানে’, ‘তুমি কেন এইখানে’ – শরের বনের থেকে দেয় সে উত্তর।
(আবার পাখনা নাড়ে – কাকের তরুণ ডিম পিছলায়ে প’ড়ে যায় শ্যাওড়ার ঝাড়ে।)

মানুষের ব্যথা আমি

মানুষের ব্যথা আমি পেয়ে গেছি পৃথিবীর পথে এসে – হাসির আনন্দ
পেয়ে গেছি; দেখেছি আকাশে দূরে কড়ির মতন শাদা মেঘের পাহাড়ে
সূর্যের রাঙা ঘোড়া; পক্ষিরাজের মতো কমলা রঙের পাখা ঝাড়ে
রাতের কুয়াশা ছিঁড়ে; দেখেছি শরের বনে শাদা রাজহাঁসদের সাধ
উঠেছে আনন্দে জেগে – নদীর স্নোতের দিকে বাতাসের মতন অবাধ
চলে গেছে কলরবে; – দেখেছি সবুজ ঘাস – যত দূর চোখ যেতে পারে;
ঘাসের প্রকাশ আমি দেখিয়াছি অবিরল, – পৃথিবীর ক্লান্ত বেদনারে
চেকে আছে; – দেখিয়াছি বাসমতী, কাশবন আকাঞ্চার রক্ত, অপরাধ

মুছায়ে দিতেছে যেন বার বার কোন এক রহস্যের কুয়াশার থেকে
যেখানে জন্মে না কেউ, যেখানে মরে না কেউ, সেই কুহকের থেকে এসে
রাঙা রোদ, শালিধান, ঘাস, কাশ, মরালেরা বার বার রাখিতেছে চেকে
আমাদের রূক্ষ প্রশংসন, ক্লান্ত ক্ষুধা, স্ফুট ম্যাত্যু – আমাদের বিস্মিত নীরব
রেখে দেয় – পৃথিবীর পথে আমি কেটেছি আঁচড় চের, অশ্রু গেছি রেখে
তবু ঐ মরালীরা কাশ ধান রোদ ঘাস এসে এসে মুছে দেয় সব।



তুমি কেন বহু দূরে

তুমি কেন বহু দূরে - তের দূর - আরো দূরে - নক্ষত্রের অস্পষ্ট আকাশ
তুমি কেন কোনদিন পৃথিবীর ভিড়ে এসে বলো নাকো একটিও কথা;
আমরা মিনার গড়ি - ভেঙে পড়ে দুদিনেই - স্বপনের ডানা ছিড়ে ব্যথা
রক্ত হয়ে ঝরে শুধু এইখানে - ক্ষুধা হয়ে ব্যথা দেয় - নীল নাভিশাস;
ফেনায়ে তুলিচে শুধু পৃথিবীতে পিরামিড যুগ থেকে আজো বারোমাস;
আমাদের সত্য, আহা রক্ত হয়ে ঝরে শুধু; - আমাদের প্রাণের মমতা
ফড়িঙ্গের ডানা নিয়ে ওড়ে, আহা: চেয়ে দেখে অঙ্ককার কঠিন ক্ষমতা
ক্ষমাহীন - বার বার পথ আটকায়ে ফেলে বার বার করে তারে গ্রাস;

তারপর চোখ তুলে দেখি ঐ কোন দূর নক্ষত্রের ক্লান্ত আয়োজন
ক্লানি - র ভুলিতে বলে - ঘিরের সোনার দীপে লাল নীল শিখা
জ্বলিতেছে যেন দূর রহস্যের কুয়াশায়, - আবার স্বপ্নের গন্ধে মন
কেঁদে ওঠে - তবু জানি আমাদের স্বপ্ন হতে অশ্রু ক্লানি - রক্তের কণিকা
ঝরে শুধু - স্বপ্ন কি দেখেনি বুদ্ধ - নিউসিডিয়ায় বসে দেখেনি মণিকা?
স্বপ্ন কি দেখেনি রোম, এশিরিয়া, উজ্জায়িনী, গৌড় - বাংলা, দিল্লী, বেবিলন?

আমাদের রূঢ় কথা

আমাদের রূঢ় কথা শুনে তুমি সরে যাও আরো দূরে বুঝি নীলাকাশ;
তোমার অনন্ত নীল সোনালি ভোমরা নিয়ে কোনো দূর শান্তির ভিতরে
ডুবে যাবে? কত কাল কেটে গেল, তবু তার কুয়াশার পর্দা না সরে
পিরামিড বেবিলন শেষ হল – ঝরে গেল কতবার প্রান্তরের ঘাস;
তবুও লুকায়ে আছে যেই রূপ নক্ষত্রে তা কোনোদিন হল না প্রকাশ:
যেই স্বপ্ন যেই সত্য নিয়ে আজ আমরা চলিয়া যাই ঘরে,
কোনো এক অঙ্কারে হয়তো তা আকাশের যায়াবর মরালের স্বরে
নতুন স্পন্দন পায় নতুন আগ্রহে গক্ষে ভরে ওঠে পৃথিবীর শ্বাস;

তখন আমরা ওই নক্ষত্রের দিকে চাই – মনে হয় সব অস্পষ্টতা
ধীরে ধীরে ঝরিতেছে, –যেই রূপ কোনোদিন দেখি নাই পৃথিবীর পথে,
যেই শানি – মৃত জননীর মতো চেয়ে থাকে – কয় নাকো কথা,
যেই স্বপ্ন বার বার নষ্ট হয় আমাদের এই সত্য রক্তের জগতে,
আজ যাহা ক্লান্ত ক্ষীণ আজ যাহা নগ্ন চূর্ণ – অঙ্ক মৃত হিম,
একদিন নক্ষত্রের দেশে তারা হয়ে রবে গোলাপের মতন রক্তিম।

এই পৃথিবীতে আমি

এই পৃথিবীতে আমি অবসর নিয়ে শুধু আসিয়াছি – আমি হষ্ট কবি
আমি এক; – ধুয়েছি আমার দেহ অন্ধকারে একা একা সমুদ্রের জলে;
ভালোবাসিয়াছি আমি রাঙ্গা রোদ, ক্ষান্ত কার্তিকের মাঠে –ঘাসের আঁচলে
ফড়িঙ্গের মতো আমি বেড়ায়েছি – দেখেছি কিশোরী এস হলুদ করবী
ছিঁড়ে নেয় – বুকে তার লাল পেড়ে ভিজে শাড়ি করুন শঙ্খের মতো ছবি
ফুটাতেছে – তোরের আকাশখানা রাজহাস ভরে গেছে নব কোলাহলে
নব নব সূচনার: নদীর গোলাপী টেউ কথা বলে – তবু কথা বলে,
তবু জানি তার কথা কুয়াশায় ফুরায় না – কেউ যেন শুনিতেছে সবি

কোন্ রাঙ্গা শাটিনের মেঘে বসে – অথবা শোনে না কেউ, শৃণ্য কুয়াশায়
মুছে যায় সব তার; একদিন বর্ণচূটা মুছে যাবো আমিও এমন;
তবু আজ সবুজ ঘাসের পরে বসে থাকি; ভালোবাসি; প্রেমের আশায়
পায়ের ধৰনির দিকে কান পেতে থাকি চুপে; কাঁটাবহরের ফল করি আহরণ
কারে যেন এই গুলো দেবো আমি; মন্দু ঘাসে একা –একা বসে থাকা যায়
এই সব সাধ নিয়ে; যখন আসিবে ঘুম তারপর, ঘুমাব তখন।

বাতাসে ধানের শব্দ

বাতাসে ধানের শব্দ শুনিয়াছি – ঝরিতেছে ধীরে ধীরে অপরাহ্নে ভরে;
সোনালি রোদের রঙ দেখিয়াছি – দেহের প্রথম কোন প্রেমের মতন
রূপ তার – এলোচুল ছড়ায়ে রেখেছ ঢেকে গৃঢ় রূপ – আনারস বন;
ঘাস আমি দেখিয়াছি; দেখেছি সজনে ফুল চুপে চুপে পড়িতেছে ঝরে
মৃদু ঘাসে; শান্তি পায়; দেখেছি হলুদ পাখি বহুকণ থাকে চুপ করে,
নির্জন আমের ডালে দুলে যায় – দুলে যায় – বাতাসের সাথে বহুকণ,
শুধু কথা, গান নয় – নীরবতা রচিতেছে আমাদের সবার জীবন
বুঝিয়াছি; শুপুরীর সারিগুলো দিনরাত হাওয়ায় যে উঠিতেছে নড়ে,

দিনরাত কথা নয়, ক্ষীরের মতন ফুল বুকে ধরে, তাদের উৎসব
ফুরায় না; মাছরাঙাটির সাথী মরে গেছে – দুপুরের নিঃসঙ্গ বাতাসে
তরু ওই পাখিটির নীল লাল কমলা রঙের ডানা স্ফুট হয়ে ভাসে
আম নিম জামরুলে; প্রসন্ন প্রাণের স্ন্যোত – অশ্রু নাই – প্রশং নাই কিছু,
বিলমিল ডানা নিয়ে উড়ে যায় আকাশের থেকে দূর আকাশের পিছু,
চেয়ে দেখি ঘূম নাই – অশ্রু নাই – প্রশং নাই বটফলগন্ধ- মাখা ঘাসে

একদিন এই দেহ

একদিন এই দেহ ঘাস থেকে ধানের আত্মাণ থেকে এই বাংলায়
জেগেছিল; বাঙালী নারীর মুখ দেখে রূপ চিনেছিলো দেহ একদিন;
বাংলার পথে পথে হেঁটেছিলো গাঁচিল শালিখের মতন স্বাধীন;
বাংলার জল দিয়ে ধূয়েছিল ঘাসের মতন স্ফুট দেহখানি তার;
একদিন দেখেছিল ধূসর বকের সাথে ঘরে চলে আসে অঙ্ককার
বাংলার; কাঁচা কাঠ জলে ওঠে – নীল ধোঁয়া নরম মলিন
বাতাসে ভাসিয়া যায় কুয়াশার করণ নদীর মতো ক্ষীণ;
ফেনসা ভাতের গন্ধে আম – মুকুলের গন্ধ মিশে যায় যেন বার – বার;

এই সব দেখেছিল রূপ যেই স্বপ্ন আনে – স্বপ্নে যেই রক্তাক্তা আছে,
শিখেছিল, সেই সব একদিন বাংলার চন্দ্রমালা রূপসীর কাছে;
তারপর বেত বনে, জোনাকি ঝিকির পথে হিজল আমের অঙ্ককারে
ঘুরেছে সে সৌন্দর্যের নীল স্বপ্ন বুকে করে, –রূঢ় কোলাহলে গিয়ে তারে –
ঘুমন – কন্যারে সেই – জাগাতে যায়নি আর – হয়তো সে কন্যার হৃদয়
শঙ্খের মতন রুক্ষ, অথবা পদ্মের মতো – ঘুম তবু ভাঙিবার নয়।

আজ তারা কই সব ?

আজ তারা কই সব? ওখানে হিজল গাছ ছিল এক – পুরুরের জলে
বহুদিন মুখ দেখে গেছে তার; তারপর কি যে তার মনে হল কবে
কখন সে ঝরে গেল, কখন ফুরাল, আহা, – চলে গেল কবে যে নীরবে,
তাও আর জানি নাকো; ঠোট ভাঙ্গা দাঁড়কাক ঐ বেলগাছটির তলে
রোজ তোরে দেখা দিত – অন্য সব কাক আর শালিখের হষ্ট কোলাহলে
তারে আর দেখি নাকো – কতদিন দেখি নাই; সে আমার ছেলেবেলা হবে,
জানালার কাছে এক বোলতার চাক ছিল – হৃদয়ের গভীর উৎসবে
খেলা করে গেছে তারা কত দিন – ফড়িঙ্গ কীটের দিন যত দিন চলে

তাহারা নিকটে ছিলো – রোদের আনন্দে মেতে – অন্ধকারে শান্ত ঘূম খুঁজে
বহুদিন কাছে ছিলো; – অনেক কুরুর আজ পথে ঘাটে নড়াচড়া করে
তবুও আঁধারে চের মৃত কুরুরের মুখ – মৃত বিড়ালের ছায়া ভাসে;
কোথায় গিয়েছে তারা? ওই দূর আকাশেল নীল লাল তারার ভিতরে
অথবা মাটির বুকে মাটি হয়ে আছে শুধু – ঘাস হয়ে আছে শুধু ঘাসে?
শুধালাম – উত্তর দিল না কেউ উদাসীন অসীম আকাশে।

হৃদয়ে প্রেমের দিন

হৃদয়ে প্রেমের দিন কখন যে শেষ হয় - চিতা শুধু পড়ে থাকে তার,
আমরা জানি না তাহা; - মনে হয় জীবনে যা আছে আজো তাই শালিধান
রূপশালি ধান তাহা... রূপ, প্রেম... এই ভাবি... খোসার মতন নষ্ট ম্লান
একদিন তাহাদের অসারতা ধরা পড়ে, - যখন সবুজ অঙ্ককার,
নরম রাত্রির দেশ নদীর জলের গন্ধ কোন এক নবীনাগতার
মুখখানা নিয়ে আসে - মনে হয় কোনোদিন পৃথিবীতে প্রেমের আহ্বান
এমন গভীর করে পেয়েছি কি? প্রেম যে নক্ষত্র আর নক্ষত্রের গান,
প্রাণ যে ব্যাকুল রাত্রি প্রান্তরের গাঢ় নীল অমাবস্যায় -

চলে যায় আকাশের সেই দূর নক্ষত্রের লাল নীল শিখার সন্ধানে,
প্রাণ যে আঁধার রাত্রি আমার এ, - আর তুমি স্বাতীর মতন
রূপের বিচ্ছি বাতি নিয়ে এলে, - তাই প্রেম ধুলায় কাঁটায় যেইখানে
মৃত হয়ে পড়ে ছিল পৃথিবীর শূণ্য পথে সে গভীর শিহরণ,
তুমি সখী, ডুবে যাবে মুহূর্তেই রোমহর্ষে - অনিবার অরূপের ম্লানে
জানি আমি; প্রেম যে তবুও প্রেম; স্বপ্ন নিয়ে বেঁচে রবে, বাঁচিতে সে জানে।

কোনোদিন দেখিব না

কোনোদিন দেখিব না তারে আমি: হেমন্তে পাকিবে ধান, আষাঢ়ের রাতে
কালো মেঘ নিঙড়ায়ে সবুজ বাঁশের বন গেয়ে যাবে উচ্ছাসের গান
সারারাত, — তবু আমি সাপচরা অঙ্গ পথে — বেনুবনে তাহার সন্ধান
পাবো নাকে: পুরুরের পাড়ে সে যে আসিবে না কোনোদিন হাঁসিনীর সাথে,
সে কোনো জ্যোৎস্নায় আর আসিবে না — আসিবে না কখনো প্রভাতে,
যখন দুপুরে রোদে অপরাজিতার মুখ হয়ে থাকে ম্লান,
যখন মেঘের রঙে পথহারা দাঁড়কাক পেয়ে গেছে ঘরের সন্ধান,
ধূসর সন্ধ্যায় সেই আসিবে না সে এখানে; — এইখানে ধূন্দুল লতাতে

জোনাকি আসিবে শুধু: ঝিঁঝি শুধু; সারারাত কথা কবে ঘাসে আর ঘাসে
বাদুড় উড়িবে শুধু পাখনা ভিজায়ে নিয়ে শান্ত হয়ে রাতের বাতাসে;
প্রতিটি নক্ষত্র তার সন্ধান খুঁজে জেগে রবে প্রতিটির পাশে
নীরব ধূসর কণা লেগে রবে তুচ্ছ অনূকণাটির শ্বাসে
অঙ্ককারে — তুমি, সখি চলে গেলে দূরে তবু; — হৃদয়ের গভীর বিশ্বাসে
অশ্বথের শাখা ঐ দুলিতেছে; আলো আসে, তোর হয়ে আসে।



ঘাসের ভিতরে সেই

ঘাসের ভিতরে সেই চড়ায়ের শাদা ডিম ভেঙ্গে আছে – আমি ভালোবাসি
নিষ্ঠন্ত করুণ মুখ তার এই – কবে যেন ভেঙ্গেছিল – তের ধুলো খড়
লেগে আছে বুকে তার – বহুক্ষণ চেয়ে থাকি; – তারপর ঘাসের ভিতর
শাদা শাদা ধুলোগুলো পড়ে আছে, দেখা যায় খইধান দেখি একরাশি
ছড়ায়ে রয়েছে চুপে; নরম বিষন্ন গন্ধ পুরুরের জল থেকে উঠিতেছে ভাসি;
কান পেতে থাকি যদি, শোনা যায়, সরপুটি চিতলের উদ্ভাসিত স্বর
মীনকন্যাদের মতো, সবুজ জলের ফাঁকে তাদের পাতালপূরী ঘর
দেখা যায় – রহস্যের কুয়াশায় অপরূপ – রূপালি মাছের দেহ গভীর উদাসী

চলে যায় মন্ত্রিকুমারের মতো, কোটাল ছেলের মতো রাজার ছেলের মতো মিলে
কোন এক আকাঞ্চ্ছার উদঘাটনে কত দূরে; বহুক্ষণ চেয়ে থাকি একা
অপরাহ্ন এল বুঝি? – রাঙ্গা রৌদ্রে মাছরাঙ্গা উড়ে যায় – ডানা ঝিলমিলে;
এক্ষুনি আসিবে সন্ধ্যা, – পৃথিবীতে ত্রিয়মাণ গোধূলি নামিলে
নদীর নরম মুখ দেখা যাবে – মুখে তার দেহে তার কতো মৃদু রেখা
তোমারি মুখের মতো: তবুও তোমার সাথে কোনোদিন হবে নাকো দেখা।



এই সব ভালো লাগে

(এই সব ভালো লাগে) : জানালার ফাঁক দিয়ে তোরের সোনালি রোদ এসে
আমারে ঘুমাতে দেখে বিছানায়,—আমার কাতর চোখ, আমার বিমর্শ ম্লান চুল—
এই নিয়ে খেলা করে: জানে সে যে বহুদিন আগে আমি করেছি কি ভুল
পৃথিবীর সবচেয়ে ক্ষমাহীন গাঢ় এক রূপসীর মুখ ভালোবেসে,
পটুয়ের শেষ রাতে আজো আমি দেখি চেয়ে আবার সে আমাদের দেশে
ফিরে এল; রং তার কেমন তা জানে অই টস্টসে ভিজে জামরুল,
নরম জামের মতো চুল তার, ঘুঘুর বুকের মতো অস্ফুট আঙুল; -
পটুয়ের শেষ রাতে নিমপেঁচাটির সাথে সে যে ভেসে আসে

কবেকার মৃত কাক: পৃথিবীর পথে আজ নাই সে তো আর;
তবুও সে ম্লান জানালার পাশে উড়ে আসে নীরব সোহাগে
মলিন পাখনা তার খড়ের চালের হিম শিশিরে মাখায়;
তখন এ পৃথিবীতে কোনো পাখি জেগে এসে বসেনি শাখায়;
পৃথিবীও নাই আর; দাঁড়কাক একা — একা সারারাত জাগে;
‘কি বা হায়, আসে যায়, তারে যদি কোনোদিন না পাই আবার।’

সন্ধ্যা হয় - চারিদিকে

সন্ধ্যা হয় - চারিদিকে মৃদু নীরবতা
কুটা মুখে নিয়ে এক শালিখ যেতেছে উড়ে চুপে;
গোরূর গাড়িটি যায় মেঠো পথ বেড়ে ধীরে ধীরে;
আঙিনা ভরিয়া আছে সোনালি খড়ের ঘন স্তুপে;

পৃথিবীর সব ঘূষু ডাকিতেছে হিজলের বনে;
পৃথিবীর সব রূপ লেগে আছে ঘাসে;
পৃথিবীর সব প্রেম আমাদের দু; জনার মনে;
আকাশ ছড়ায়ে আছে শান্তি হয়ে আকাশে আকাশে।

একদিন কুয়াশার

একদিন কুয়াশার এই মাঠে আমারে পাবে না কেউ খুঁজে আর, জানি;
হৃদয়ের পথ চলা শেষ হল সেই দিন – গিয়েছে যে শান্ত – হিম ঘরে,
অথবা সান্ত্বনা পেতে দেরি হবে কিছু কাল – প্রথিবীর এই মাঠখানি
ভুলিতে বিলম্ব হবে কিছু দিন, এ মাঠের কয়েকটি শালিকের তরে
আশ্চর্য আর বিস্ময়ে আমি চেয়ে রবো কিছু কাল অঙ্ককার বিছানার কোলে,
আর সে সোনালি চিল ডানা মেলে দূর থেকে আজো কি মাঠের কুয়াশায়
তেসে আসে? সেই ন্যাড়া অশ্বথে'র পানে আজো চলে যায়

সন্ধ্যা সোনার মতো হলে
ধানের নরম শিষ্যে মেঠো ইঁদুরের চোখ নক্ষত্রের দিকে আজো চায়?
সন্ধ্যা হলে? মউমাছি চাক আজো বাঁধে না কি জামের নিবিড় ঘন ডালে,
মউ খাওয়া হয়ে গেলে আজো তারা উড়ে যায় কুয়াশায় সন্ধ্যার বাতাসে -
কতো দূরে যায়, আহা... অথবা হয়তো কেউ চালতার ঝরাপাতা জ্বালে
মধুর চাকের নিচে - মাছিগুলো উড়ে যায়... ঝ'রে পড়ে...ম'রে থাকে ঘাসে -

ভেবে ভেবে ব্যথা পাব

ভেবে ভেবে ব্যথা পাব: মনে হবে, পৃথিবীর পথে যদি থাকিতাম বেঁচে
দেখিতাম সেই লক্ষ্মীপেঁচাটির মুখ যারে কোনোদিন ভালো করে দেখি নাই আমি
এমনি লাজুক পাখি, — ধূসর ডানা কি তার কুয়াশার ঢেউয়ে ওঠে নেচে;
যখন সাতটি তারা ফুটে ওঠে অন্ধকারে গাবের নিবিড় বুকে আসে সে কি নামি?
শিউলির বাবলার আঁধার গলির ফাঁকে জোনাকির কুহকের আলো
করে না কি? ঝিঁঝির সবুজ মাংসে ছোটো — ছোটো ছেলেমেয়ে বউদের প্রাণ
ভুলে যায়; অন্ধকার খুঁজে তারে আকন্দবনের ভিড়ে কোথায় হারালো

মাকাল লতার তলে শিশিরের নীল জলে কেউ তার জানে না সন্ধান।
আর সেই সোনালি চিলের ডানা - ডানা তার আজো কি মাঠের কুয়াশায়
ভেসে আসে; - সেই ন্যাড়া অশ্বথের পানে আজও চলে যায়
সন্ধ্যা সোনার মত হলে?
ধানের নরম শিষে মেঠো ইঁদুরের চোখ নক্ষত্রের দিকে আজো চায়?
আশ্চর্য বিশ্বয়ে আমি চেয়ে রবো কিছু কাল অন্ধকার বিছানার কোলে।

